



COMUNE DE ISCANU

Assessoradu a sa Cultura

Ufitziu Limba Sarda

Prot. n° 4852 de su 25/11/2014

*A sos Insegnantes
A sos Operadores de isportellu linguisticu*

Argumentu: “Didatichende” - Die de formatzione pro insegnanties - III edizione

Mastros, Professores, Operadores Garbosos,
s’Ufitziu Limba Sarda de su Comune de Iscanu est aprontende sa de tres editziones de “Didatichende”, die de formatzione indiritzada prus che totu a mastros e professores, ma aberta fintzas a sa partetzipatzione de operadores linguisticos.

Comente ischides dae sas editziones passadas, “Didatichende” naschet pro dare trastos de traballu a totu sos insegnanties interessados a veicolare in sardu sas matèrias issoro.

Su cursu, finantziadu dae su Comune de Iscanu e contivigiadu dae sa Sotz. Coop. “L’Altra Cultura”, s’at a fàghere

domìniga 14 de nadale dae sas 9,30 a sas 18,00

in Iscanu (locales de s’Universidade – Carrera Mussegnor Còntini n° 3).

Nos at a ghiare Antoni Nàtziu Garau, chi at a ispiegare (cun laboratòrios pràticos) comente fàghere iscola in una comunidade chi tenet unu repertòriu plurilingue, comente didatizare sos materiales e cales sunt sas ainas/trastos de s’insegnante tradutore e terminòlogu.

Chie est interessadu a partetzipare podet dare s’adesione cumpilende su mòdulu allegadu e imbiende-lu a su fax de su Comune de Iscanu (0785-32666).

Pro chistiones de organizatzione podimus ospitare unu nùmeru limitadu de insegnanties. Bos pedimus sa gentilesa de nos dare cunfirma **intro de su 04/12/2014** pro nos permitere de organizzare bene sos traballos. Sas adesiones s’ant a atzetare **in òrdine de arrivu** finas a imbàtere a su nùmeru màssimu de disponibilidade de postos.

Iscanu, 25/11/2014

SU SINDIGU
Franco Frascaro



COMUNE DE ISCANU

Assessoradu a sa Cultura

Ufitziu Limba Sarda

Comune de Iscanu
Ufitziu Limba Sarda
Fax 0785/32666

MÒDULU DE ISCRIZIONE

“DIDATICHENDE” - Die de formatzione in limba sarda pro insegnantes - III editzione

Su sutascritu _____ ,
nàschidu in _____ , su _____ ,
residente in _____ in bia/pratza _____ n.^{ru} _____ ,
telèfonu _____ , indiritzu de posta eletrònica _____ ,

PEDIT

de pòdere leare parte a sa die de formatzione pro insegnantes “Didatichende”, chi s’at a fàghere in Iscanu **domìniga 14 de nadale 2014**. Su sutascritu partètzipat in calidade de:

- Mastru de iscola materna ☐
- Mastru de iscola elementare ☐
- Professore de iscola mèdia ☐
- Professore de iscola superiore ☐
- Operadore de isportellu (in _____) ☐

Si dat adesione pro: ☐ PARTETZIPATZIONE EBBIA (*sena abarrare a mandigare*)

☐ Adesione pro partetzipare e pro abarrare a mandigare (€ 15,00)

(Non b'at bisòngiu de mandare dinari. Sa cuota pro mandigare si versat sa die, in su momentu de sa registratzione)

Cunforma a su D.L. 196/2003 (*Còdighe in matèria de amparu de sos datos personales*) dat s’autorizatzione a su Comune de Iscanu de impreare sos datos personales inditados in custu mòdulu pro comunicatziones chi pertocant custa o àteras eventuales fainas de limba sarda.

(logu e data)

Firma